

GYEDZI HO NSEMPDW NO

A CMC JESUS CHRIST N'ASOR A CMC CH MA NDA A ODZI EKYIR AHOTSEWEEFO NO MU

YEGLY NYANKOPON, Onnyiewieie Egya no, na Ne Ba, Jesus Christ, na Sunsum Krɔnkrɔn no dzi.

2 Yegye dzi de wɔbetsɛa nyimpa wɔ hnankasa hɔn bɔn ho, na nnye wɔ Adam ne mbrato ho.

3 Yegye dzi de ɔnam Christ no Werdambɔ do adamsamba nyinara botum enya nkwa, ber a wɔyɛ setsie ma mbra no na Asem̄pa n'ayɛdze no.

4 Yegye dzi de fapem na Asem̄pa n'ayɛdze a odzi kan no nye: odzi kan, Gyedzi wɔ Ewuradze Jesus Christ mu; ɔtsia ebien, Nnuho; ɔtsia ebiasa, Nsumuhye enuma a ɔwɔ hɔ ma bɔnfakyɛ; ɔtsia anan, Wɔdze nsa rugu wo do ama Sunsum Krɔnkrɔn n'ayɛdze no.

5 Yegye dzi de otwar de Nyame frɛ nyimpa wɔ nkɔnhye do, na wɔ nsa a hɔn a wɔwɔ tumdzi dze gu no do, ma ɔdze akā Asem̄pa no na ɔaye ayɛdze a ɔkā ho no.

6 Yegye nhyeheyɛ kor no ara a ɔwɔ Tsetseberdo Asor no mu a, wɔyɛ asomafo, nkɔnhyefo, asɔfo, akyerekyerefo, nsempakāfo na dza ɔkekāho no dzi.

7 Yegye kasa horow akyɛdze, nkɔnhye, nyikyere, enyido-adzehu, ayarsa, kasa horow ne nkyerease, na ma ɔkekāho no dzi.

8 Yegye Bible no dzi de ɔyɛ Nyame n'asɛm wɔ aber a wɔakyere ase yie; yegye Mormon Nwoma no so dzi de ɔyɛ Nyame n'asɛm.

9 Yegye dza Nyame eyi akyere nyina, na dza seiara Oyi kyere nyina dzi, na yegye dzi de ɔbɔkɔ do eyi ndzemba akese a no ho hia tsitsir pii a ɔfa Nyame N'ahenman ho no akyere.

10 Yegye dza wɔakā a ɔkyere de wɔbɛkā Israel-mba aboa ano, na Ebusuakuw Du no nsanananmu no dzi; Zion (Jerusalem Fofor no) wɔbɛkyekyer no wɔ America asaase tɔw no do; Christ Noara bedzi hen wɔ asaase do; na, wɔbɛyɛ asaase yi fofor na oenya ne paradise enyimnyam no.

11 Yegye ndzinoa no to mu de ɔwɔ de yesom Otumfo Nyame wɔ kwan a hen tsibowa kā kyere hen, na yema nyimpa nyinara ndzinoa kor noara bi de wɔnsom de mbre wɔpɛ, bea a wɔpɛ, anaa dza wɔpɛ.

12 Yegye dzi de ɔwɔ de yebre henho adze ma ahemfo, presidentfo, ahwedoso na atsembuafo, yeyɛ setsie ma hɔn, yedzi hɔn nyi na yedzi mbra no do.

13 Yegye dzi de ɔwɔ de yeyɛ anokwafo, yedzi nokwar, yeyɛ ahosie, yeyɛ etuhoakyɛ, yɛbɔ ɔbra pa na yeyɛ papa ma nyimpa nyinara; nokwar, dza ye-botum akā nye de yedzi Paul n'afotu no do—Yegye ndzemba nyina dzi, yewɔ adze nyina mu enyidado, yewɔ ndzemba pii na yewɔ enyidado de yebotum asɔw ndzemba nyina. Se ɔbra pa, dza ɔyɛ few anaa ɔwɔ dzin pa anaa ɔse nkamfo a, ndzemba yinom na yehwehwɛ ekyir kwan.

JOSEPH SMITH.

JESUS CHRIST
MA CH CWC'AN
NDA A ODZI EKYIR
AHOTSEWEEFO

